

**ხელშეკრულება
სახელმწიფო შესყიდვის შესახებ №680**

ქ. თბილისი

26 სექტემბერი 2022 წელი

1. ხელშეკრულების დამდები მხარეები

ერთის მხრივ საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N10, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში „შემსყიდველი“, წარმოდგენილი ეკონომიკური დეპარტამენტის დირექტორის თია მელაძის სახით და მეორეს მხრივ, **მიმწოდებელი: შპს „მაგნუმ-ელექტრონიკსი“; საიდენტიფიკაციო კოდი: 204513730;** იურიდიული მისამართი: ქ. თბილისი, ძველი თბილისის რაიონი, თარხნიშვილის I გასასვლელი №1; ტელეფონი: 599 90-96-96; 595 61-11-61; დირექტორი: გიორგი თოდუა; საბანკო რეკვიზიტები: ს.ს „თი-ბი-სი ბანკი“; ბანკის კოდი: TBCBGE22; ა/ა: GE36TB1882236020100003; შემდგომში „მიმწოდებელი“, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია: **შსს ლოჯისტიკის დეპარტამენტის მოთხოვნის უზრუნველსაყოფად, სხვადასხვა სახის საოჯახო ტექნიკის შესყიდვა.** ინფორმაცია საქონლის დასახელების, ტექნიკური მახასიათებლების, რაოდენობისა და ერთეულის ღირებულების შესახებ მოცემულია მიმწოდებლის მიერ წარმოდგენილ ფასთა ცხრილში, რომელიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1 - 4 (ოთხი) ფურცელი).
- 2.2 შესყიდვის საშუალება: ელექტრონული ტენდერი აუქციონის გარეშე **NAT220017787.**
- 2.3 ხელშეკრულების საერთო ღირებულება შეადგენს **72888 (სამოცდათორმეტი ათას რვაას ოცხმოცდარვა)** ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 2.4 კლასიფიკატორის კოდი: CPV-39711361 - ელექტროდუმელები; CPV- 39711440 - გამაცხელებლები; CPV - 39713200 - ტანსაცმლის სარეცხი და საშრობი მანქანები; CPV - 39713500 - ელექტროუთოები; CPV 39714100 - ვენტილატორები; CPV - 39715220 - ელექტროგამათბობელი მოწყობილობები.
- 2.5 ხელშეკრულება ძალაშია 2022 წლის 26 სექტემბრიდან 2022 წლის 31 დეკემბრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. შესყიდვის ობიექტის მიწოდების პირობები, ვადა და ადგილი

- 3.1. **შესყიდვის ობიექტის მიწოდების ვადა:** ხელშეკრულების გაფორმებიდან **45 (ორმოცდახუთი)** კალენდარული დღის განმავლობაში
- 3.2. **შესყიდვის ობიექტის მიწოდების ადგილი:** ქ. თბილისი, ქიზიყის ქუჩა N5.
- 3.3. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.
- 3.4. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში

4. შესყიდვის ობიექტის ხარისხი და გარანტია

- 4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 საქონლის საგარანტიო ვადა განისაზღვრება წინამდებარე ხელშეკრულების დანართ N1-ში მითითებული ვადების შესაბამისად.
- 4.3 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, საგარანტიო ვადის პერიოდში გამოვლენილი წუნდებული საქონლის შეკეთება მიმწოდებელმა უნდა უზრუნველყოს საკუთარი ხარჯებით, მოთხოვნიდან (სატელეფონო ან ელ ფოსტის მეშვეობით) არაუგვიანეს **5 (ხუთი)** კალენდარული დღის ვადაში, ხოლო საქონლის შეცვლის საჭიროების შემთხვევაში, მისი შეცვლა უნდა უზრუნველყოს **25 (ოცდახუთი)** კალენდარული დღის განმავლობაში.
- 4.4 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შეამოწმონ მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შსს ლოჯისტიკის დეპარტამენტის მარაგებით უზრუნველყოფის სამმართველოს მარაგების უზრუნველყოფის სამსახურის სამეურნეო საქონლის უზრუნველყოფის განყოფილების უფროსი გიორგი აბესაძე.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს **ლოჯისტიკის დეპარტამენტის მარაგებით უზრუნველყოფის სამმართველოს მარაგებით უზრუნველყოფის სამსახურის შესაბამისი უფლებამოსილი პირი.**

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება **2022 წლის სახელმწიფო ბიუჯეტის სახსრებით**, ეტაპობრივად, ფაქტიურად მიწოდებული საქონლის მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) შსს შესაბამისი სამსახურის მიერ ეკონომიკურ დეპარტამენტში წარმოდგენის შემდეგ არაუგვიანეს 15 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.15%-ის** ოდენობით.

8.4 ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6 ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ გადაგადაცილებულ დღეზე, მიმწოდებლისათვის ჩასარიცხი თანხის **0.15%-ის** ოდენობით.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 20 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის პირველი და მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, საჯარო სამართლის კორპორაცია „საქართველოს სავაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს

ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

11.3 ხელშეკრულების საბოლოო ღირებულება განისაზღვრება, შემსყიდველის მოთხოვნის შესაბამისად, ფაქტობრივად მიწოდებული შესყიდვის ობიექტის ღირებულებით, რაც არ საჭიროებს დამატებით შეთანხმებას.

12. უფლებების გადაცემა

12.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

12.2. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

13. ღირებულება

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: **მამუკა თოფურია**; ტელეფონის ნომერი: **595 61-11-61**; ელექტრონული ფოსტა: **ani.gelashvili.3@iliauni.edu.ge**; **gtodua@mail.ru**;

ბ) შემსყიდველის შემდეგი რეკვიზიტები: საკონტაქტო პირი: **აბესაძე გიორგი**; ტელეფონის ნომერი: **577 26-31-14**; ელექტრონული ფოსტა: **g.abesadze@mia.gov.ge**;

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს

ან შინაარს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16.6 მიმწოდებლის მიერ სახელმწიფო შესყიდვის განხორციელების ნებისმიერ ეტაპზე, სახელმწიფო შესყიდვების ერთიან ელექტრონულ სისტემაში ატვირთული ან შემსყიდველისთვის გადაცემული პერსონალური ინფორმაცია, საქართველოს შინაგან საქმეთა სამინისტროს მიერ, „პერსონალურ მონაცემთა დაცვის შესახებ“ საქართველოს კანონის შესაბამისად, შესაძლებელია დამუშავდეს სახელმწიფო შესყიდვის მიზნებისთვის.

მხარეთა მიერ გამოყენებულია ელექტრონული ხელმოწერები.

N	CPV	საქონლის დასახელება	საქონლის ტექნიკური მახასიათებლები (მისაწოდებელის საქონლის მწარმოებლის/მრეწველის წარმოშობის ქვეყნის და არსებობის შემთხვევაში მოდელის/დასახელების მითითებით)	განზომილება	რაოდენობა	ერთეულის ღირებულება (ლარი)	ჯამური ღირებულება (ლარი)	საგარანტიო ვადა მიღება-ჩაბარების აქტის გაფორმებიდან
1	39711440	ელექტრო ჩაიდან	მოცულობა: 1.7 ლიტრი; წყალს არუცხვლის გემოს; არ შეიცავს ელემენტებს, რომლებიც შეიძლება გამოიწვიოს ღრუბლის წყლის დონის განმსაზღვრელი ინდიკატორი; 360 გრადუსიანი ბრუნვა; კორპუსის მასალა: უნივერსალური ფოლადი, სიმძლავრე: 1850-2200 ვატი; სამუშაო ძაბვა: 220-240 ვოლტი; ავტომატური გათიშვის ფუნქციით; წყლის სტერეტიზაციის ფუნქციის და დაცვა; ჩიწეთი Midea Electric Trading; MIDEA MK-17S31A	ცალი	100	60	6000	1 წელი
2	39711440	მადუღარა	მადუღარის ტიპი: ელექტრო; კვების ძაბვა: 220-240 ვოლტი; სიხშირე: 50/60 ჰერცი; კორპუსის მასალა: პლასტიკი; ადვილად სწმენდი; ჩიწეთი NINGBO FIRST SIGHT ELECTRIC APPLIANCE CO LTD ILITEK IL-4342	ცალი	60	40	2400	1 წელი
3	39711440	წყლის გამაცხელებელი ავზი	რეზერვუარი: ფოლადის; რეზერვუარის ზომა და ფარგა: ემალირებული; კომპლექტი: მოცულობითი ელ. წყალგამაცხელებელი; უკუსარტეელი, კაბელი, ელჩანგალი; ელ. სიმძლავრე: 1800 ვატი; მართვის ტიპი: მექანიკური მექანიკური თერმომეტრი; წყლის სრული გაცხელება (Δt 45°C): 2სთ და 11 წთ; ავზის მოცულობა: 80 ლიტრი; ბოილერის დაცვის კლასი: IPX3 გარანტია: მიღება-ჩაბარების აქტის გაფორმებიდან ტერმე 1 (ერთი) წელი; ავზზე 5 (ხუთი) წელი. რუსეთი ARISTON THERMO S.p.A Ariston – PRO1 R 80V	ცალი	25	500	12500	1 წელი
			რეზერვუარი: ფოლადის; რეზერვუარის ზომა და ფარგა: ემალირებული; კომპლექტი: მოცულობითი ელ. წყალგამაცხელებელი; უკუსარტეელი, კაბელი, ელჩანგალი;					

4	39711440	წყლის გამაცხელებელი აგეზი	ელ.სიმძლავრე: 1800 ვატი; მართვისტიპი: მექანიკური; მექანიკური თერმომეტრი; წყლის სრული გაცხელება (Δt 45°C): 2სთ და 11 წთ; აგზისმოცულობა: 100 ლიტრი; ზოილერისდაცვისკლასი: IPX3 გარანტია: მიღება-ჩაბარებისაქტისგაფორმებიდან ტენზეს(ერთი) წელი; აგზზე5 (სუთი) წელი. რუსეთი ARISTON THERMO S.p.A Ariston – PRO1 R 100V	ცალი	20	550	11000	1წელი
5	39715220	ზეთის გამათბობელი	სიმძლავრე 2500ვატი; რეგულირებადი თერმოსტატი; გაცხელების 3 რეჟიმი; გადაბურებისაგანდაცვით; ტემპერატურისრეგულატორით; ზორბლები ადგილი გადაადგილებისთვის; სექციებისრაოდენობა: 11 სექცია; ჩინეთი NINGBO FIRST SIGHT ELECTRIC APPLIANCE CO LTD ILITEK IL-9311	ცალი	120	190	22800	1წელი
6	39713200	სარეცხი მანქანა 7-9 კგ	ჩატვირთვისტიპი: ფრონტალური; სარეცხისმაქსიმალური ჩატვირთვა: 7კგ; ბრუნვისმაქსიმალური სიჩქარე: 1200 ბრ/წთ; პროგრამებისრაოდენობა:15; კარისადამართვის პანელისბლოკირება; სტარტისგადავადება; მართვისპანელისბლოკირება; ფეხებისსიმაღლისრეგულირება; ანტიბაქტერიულირეცხვა; დამატებითიგავლება; სწრაფირეცხვა; დისპლეი: LED დოლურა: უკანაგვიფოლადი; ჩინეთი Midea Electric Trading; MIDEA MFE70-U1212	ცალი	10	700	7000	1წელი
			ჩატვირთვის ტიპი: ფრონტალური; საშრობის ტიპი: კონდესაციური; ჩატვირთვის მაქსიმალური					

7	39713200	საშრობი მანქანა 6-8 კვ	ჩატვირთვა: 7 კვ; პროგრამების რაოდენობა: 15 დისპლეი: LED; კარისა და მართვის პანელის ბლოკირება; სტარტის გადგეგმვა; ხმოვანი სიგნალი; ფილტრის გაწმენდის ინდიკატორი; მართვის პანელის ბლოკირება; ფეხების სიმაღლის რეგულირება; ზარბზნის მასალა: უჯანგადი ფოლადი; თურქეთი, VOX - ERG D.O.O., VOX, TDM-705TQ	ცალი	5	773.60	3868	1წელი
8	39714100	ვენტილიატორი ფეხზე დასადგმელი	ტიპი: იატაკზე დასადგამი; * მართვა: მზრუნავი რეგულატორი; * სიჩქარის რეჟიმი: 3; * კორპუსის (დისკის) პოროზიტალური მოძრაობა (მექანიკური ჩართვით); * სიმაღლის რეგულირების საშუალებით; * დამცავი გარსი: ზადე; * ძაბვა: 220 V; სიხშირე: 50 HZ; * სიმძლავრე: 70W; * სადენის სიგრძე: 1,5 მ; * ფრთების რაოდენობა: 3 ც; ჩინეთი NINGBO FIRST SIGHT ELECTRIC APPLIANCE CO LTD ILITEK IL-193	ცალი	20	65	1300	1წელი
9	39713500	უთო	სიმძლავრე: 2000-2200 ვატი სამუშაო ძაბვა: 220-240 ვოლტი/50ჰერცი ანოდიზებული საფარით ტემპერატურის მარეგულირებელი დილაკით მზრალი, წელით, ორთქლის დაუთოვების ფუნქციით სადენის სიგრძე: 180 სმ მუშაობის სინათლის ინდიკატორით პლასტმასის ჭიქა წელისთვის ნადების წარმოქმნის საწინააღმდეგო საფარით თვითწმენდის ფუნქციით ჩინეთი NINGBO FIRST SIGHT ELECTRIC APPLIANCE CO LTD FRANKO FSI-1188	ცალი	5	200	1000	1წელი
10	39711361	მიკროტალღური ღუმელი	მართვის სისტემა: ციფრული; მიკროტალღების სიმძლავრე: 800 ვატი; გრილის სიმძლავრე: 1100 ვატი; მოცულობა: 23 ლ; ზიდა საფარი: ბიოკერამიკული; ხმოვანი სიგნალი მუშაობის დასრულებისას; სამუშაო ძაბვა: 220V-240V; სიხშირე: 50 ჰერცი; ვიტნამი SAMSUNG ELECTRONICS;	ცალი	6	270	1620	1წელი

			Samsung GE83KRW-1/BW					
11	39713200	სარეცხი მანქანა 5-6 კგ	ჩატვირთვის ტიპი: ფრონტალური; სარეცხის მაქსიმალური ჩატვირთვა: 6 კგ; ზრუნვის მაქსიმალური სიჩქარე: 1000 ბრ/წთ; პროგრამების რაოდენობა: 15 კარისა და მართვის პანელის ზლოკირება; სტარტის გადავადება; მართვის პანელის ზლოკირება; ფეხების სიმაღლის რეგულირება; ანტიბაქტერიული რეცხვა; დამატებითი გავლენა; სწრაფი რეცხვა; დისპლეი: LED; დოლურა: უკანაგვი ფოლადი; თურქეთი Vestel Ticaret A.Ş SCHAUB LORENZ SLWMC6131	ცალი	2	550	1100	1წელი
12	39713200	სარეცხი მანქანა 10-11 კგ	ჩატვირთვის ტიპი: ფრონტალური; სარეცხის მაქსიმალური ჩატვირთვა: 10 კგ; ზრუნვის მაქსიმალური სიჩქარე: 1200 ბრ/წთ; პროგრამების რაოდენობა: 14 კარისა და მართვის პანელის ზლოკირება; სტარტის გადავადება; მართვის პანელის ზლოკირება; ფეხების სიმაღლის რეგულირება; ანტიბაქტერიული რეცხვა; დამატებითი გავლენა; სწრაფი რეცხვა; დისპლეი : LED; დოლურა: უკანაგვი ფოლადი; უკრაინა Electrolux EW6F4R21B	ცალი	2	1150	2300	1წელი
საერთო ჯამი:							72888	

მხარეთა მიერ გამოცემულია ელექტრონული ხელმოწერები